



Sparniçâts pa la citât di Udin e ancje tai paîs ator, in chei ultims agns a son nâts i "centro massaggi".

Tai giornâi locâi al è plen di publicitât , cu la intestazion cinese e sot orari continuât e telefonut e la cinesute che e riduce.

No si sa in cuale scuele cinese a sedin preparadis e la lôr cualifiche la Cine si sa e je grandonone...

E inte cjamare di cumierç, là che a regjistrin lis impresis, cemût sono incuadradis, al vegnial ricognossût il studi fat e metût dongje dal nestri? A fin sedude rilassino il scontrin fiscâl o une buscade par che a tornin a cjatâlis?

Chesç centris a son ducj sierâts, ator ator, di imagjnis che a sticin, che a nascuindin la lûs a la visuâl di ce che al podarès stâ li dentri.

Ce fasarano là dentri? mi domandi! Mi vignarès voie di provâ, pe cervicâl.

Dongje li ca soi a stâ e je une cjase li che lis signorinis cui voi a mandule, che a tabain pôc talian e nuie furlan a spietin i ominis, ples di dulintiis, par dismolâju un pôc, e cussì che dopo che a jessin , a tornin fûr gnûfs, frescs come rosis, pronts a continuâ la sunade o passâ la serade plens di gjonde.

Oh, ce bravis lis cinesutis, ce manutis delicadis, ce nininis, cul massaç da la felicitât a fasin passâ ogni mâl ancje al om furlan plui ruspiôs!

di Giuliana Dri